



壬戌高泉稿

早稲田大学図書館

文書 27

E 26



千夜題詩稿

山
文久貳壬戌高泉活中艸稿

途上次小島竜民韵

西峰月落上初昕
柏々鷄声隔樹聞
水村郭行三里回頭
鶴城猶白雲

雜吟

行聞錦鳩嘯秋枝
下有激流奔澗湄
吟杖欲行還緩步
水憇山容到處宜

到高泉

一路山深見鹿猿
人声断处水声喧
倦脚停杖何所见
樹間髣髴認柴門

十八夜有作

起捲湘簾坐夜欄
幽窓人定響鳴湍
吟情不怪詩如沸
月聲江色入閣寒
獨倚闌干思方深
水声似攪半生心
離家三里乾坤改
大愛爽然涼滿襟

竹枝

開得溫泉深澗裏
繁華宛見小城市
報曉鷄声天欲明
羨人來汲清溪水

和梨溪先生高泉途上韵
換以高泉活中即事五首

詩家景在日將傾
非竹非糸物外情
晚屋炊煙人浴罷
清風冷爽月華明
日沈林末暮雲橫
山叟擔薪出谷行
活罷悠然凭檻立
樓樓燭影映窓明
潺湲攪夢夢頻驚
低首終宵聽水聲
何識吟人清入骨
溪窓獨坐此時情
木闌干外夕陽邊
對酒看山意爽然
雜沓不妨清興湧
越聲吳語活溫泉
水色澄清山色佳
對山面水瀉函懷
長吟水和山能答
山水於吾似不乖

來浴二日梨溪先生以外姻訃還
家賦之奉送

悵然分手小溪隈可奈先生含淚回
人入白雲人不見寒山流水斷猿哀

全

斷橋流水上臨別淚沾衣有情深澗水
嗚咽送君歸

贈菴民

出矣同為浴入兮共加餐慰君情不淺
交態有餘歡

渡部素道來訪有作

偶有親朋訪我樓吟情相對思方清危
欄風起予猶冷推敲停毫聽水聲

旬二夜与岩井上泉小島三子賦

四壁人聲絕幽窓心自寬披襟看遠嶂
覓句立危欄明月山間出清風溪上寒
今宵真好夜吟思欲眠難

夜起

人定幽窓夜四更滿庭白露草蟲鳴簾
外蕭蕭千畝竹戰風聲和煮茶聲

廿二日山行

松路秋風冷吟筇聽綠濤巫山晴宿雨
三峽叫孤猿葉落山容瘦水空石自高
古枝垂澗處樵叟採蒲萄

別梨溪先生連日悵然廿四日晨
先生携兒來喜餘賦呈

小檻看山望不開夜窓對月水声哀無
暮無朝腸欲斷喜君晨拂乱雲來

別竜民

遊浴連旬如弟兄飄然告別奈離情期

君他日歸來後涼夜聞虫話此情

別梨溪先生

我已來君何端起倚欄干恨夕暉白雲
出岫山方暗窓外蘭香遠鐘微離別此
情誰能識遺恨上眉消不得君已來我
更歸離合紛亂如芥果知人生不如
意留君君歸留我歸

歸路

閑步蕭蕭深澗隈水声禽語兩相哀溪
橋停筇時臨眺雲鎖高泉望不開



